

近代中國史料叢刊續編卷三十四輯
沈雲龍主編

胡文忠公（林翼）遺集

鄭敦謹
曾國荃編

本傳·行狀·卷一至卷十·奏疏

文海出版社
有限公司
印行

說 明

本叢刊初編第八十九輯之「胡文忠公（林翼）遺集」，係據同治五年丙寅十月重刊本景印，計奏疏一卷，守黔書牘上下兩卷，撫鄂書牘四卷，撫鄂批牘上中下三卷，合共十卷，經由嚴樹森鑒定；闕敬銘、厲雲官、盛康編輯；而以國史本傳，及夏先範編之年譜，冠諸卷首。

近頃本社從日本東京購得同治六年丁卯季夏刊刻之「胡文忠公（林翼）遺集」，係鄭敦謹、曾國荃編輯，計奏疏五十二卷、宦黔書牘六卷、撫鄂書牘二十五卷、撫鄂批札三卷，合共八十六卷。卷首列有官文、李瀚章兩序及郭嵩燾撰述之行狀，並仍刊國史本傳而刪略年譜。此丁卯本與丙寅本不同之大凡也。

依內容言，丁卯本較丙寅本增約數倍。蓋丙寅本刊行後，類病其刪汰過多，人以不見全豹爲恨。丁卯本則並尋常章奏牋啓盡錄無遺，以補前失，故史料價值較高，爰特列入本叢刊續編第三十四輯再予景印，以供排比研究，想不致以重複貽譏大雅也。

胡文忠公遺集

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編 第三十四輯

目錄

胡文忠公（林翼）遺集 本傳。行狀。卷一至卷十。奏疏……………

鄭敦謹 曾國荃 編

胡文忠公（林翼）遺集 卷十一至卷二十五。奏疏……………

鄭敦謹 曾國荃 編

胡文忠公（林翼）遺集 卷二十六至卷三十八。奏疏……………

鄭敦謹 曾國荃 編

胡文忠公（林翼）遺集 卷三十九至卷四十八。奏疏……………

鄭敦謹 曾國荃 編

胡文忠公（林翼）遺集 卷四十九至卷五十九。奏疏、書牘……………

鄭敦謹 曾國荃 編

胡文忠公（林翼）遺集 卷六十至卷六十八。書牘……………

鄭敦謹 曾國荃 編

胡文忠公（林翼）遺集 卷六十九至卷七十七。書牘……………

鄭敦謹 曾國荃 編

胡文忠公（林翼）遺集 卷七十八至卷八十六。書牘、批札……………

鄭敦謹 曾國荃 編

潛廬類稿……………

甘鵬雲著

觀休室詩 附：聯語、行述、年譜……………

王開節編

命督

咸豐乙卯余奉
楚視師漢峇武
方棘余與前中丞益陽事
文忠公皆即中受事
文忠公薨余而余
自荆襄專辦盛漢心賊為
角凡襄下規安德杷為
得藉竭軍府三丰心財力

德業於是以爲不可朽矣曩
歲嘗哀于公文續以存者
刊成若干卷乙丑丙寅以
交長沙干鄭公相鄉曾
公文先後撫鄂復取官私所
藏度者勒爲遺彙八十六
卷爲文若干旨凡整軍經
武察吏安民諸大政羅列

備舉瞭如指掌讀是編者
可志矣軍興以來東南數
省抗隍不安者屢矣鄂
兵下水陸安衝夏霖歲
翫事目公視事後規畫
其搭裕如沛如迄於今
書置而通觀也良灑美
意

犁然具在竟厥緒而觀厥
成是所聖於後之賢者然
鼎鄭公曾公之蒐輯
是編其用意不甚深且遠
哉余不敏與公共事久
彙是編以成而益念
以德業以盛而不能已於
言也為序告

曩嚴渭春中丞有胡文忠
公集之刻汰遇多人以
不見全豹為恨余去年撫
湘公哲弟珏軒擬蒐羅增
益之嘉其意貽以序今年
權督湖廣同官示新鐫公
集則並尋常章奏牋啟盡
錄無去取較嚴刻幾三倍

復以序請余不敏辱公一
日之知不敢辭晉史稱羊
太傅祐博學能屬文美須
眉善譚論在軍常輕裘緩
帶身不被甲鈴閣之下侍
衛不過十數人公下筆輒
數千言軍中無衛士所與
遊者皆一時俊彥每又當

世事縱橫陳說四座皆暗
眉目疎秀一一與太傅肖
然而太傅當晉室方興蜀
禪已降獨區區吳與晉抗
曾不能掃除而盪滌之歎
曰天下不如意事十恆八
九公撫鄂時粵賊徧東西
朔南四海無乾淨土經營

撐拄轉弱為彊歲籌千百
萬饗贍軍卒後不數年賊
竟平微公之力不及此史
稱太傅出鎮南夏始至無
百日糧季年有十年之積
以公比方母乃渺矣史又
稱太傅卒南州罷市巷哭
襄陽人於峴山遊憩之所

建碑歲時饗祭望其碑者
無不流涕杜預因名為墮
淚碑公卒之日余方在江
西贛南道任道遠不知鄂
人巷哭者幾何歲時饗祭
否今黃鶴樓上有公繪像
他日好事者摹泐上石與
墮淚後先輝映豈不甚盛

夫公聲名勲業赫赫耳目
間豈與古人爭榮辱哉余
為是言恐公靈爽笑余多
事然而讀公集不禁浩然
歎畢然思也

同治六年歲次丁卯秋八
月江蘇巡撫署湖廣總督
合肥李瀚章撰

胡文忠公行狀

湘陰 郭嵩壽纂

公姓胡氏諱林翼字貺生號潤之湖南長沙府益陽縣人世居十九里泉交河長岡村始祖漢清元武宗時由江西秦和遷湖南之甯鄉麥田數傳至思敬徙益陽又八傳曰光璧者明末從蔡忠烈公道憲守長沙殉難無子以姪柳溪諱其轍爲嗣四傳至公高祖諱民典事親以孝聞著孝經義疏行世曾祖諱多吉妣氏楊祖諱顯韶庠生著有紫筠園詩文若干卷妣氏湯繼妣氏劉父諱達源嘉慶己卯一甲三名進士

官詹事府少詹事妣氏湯以公貴三代皆

贈光祿大夫妣皆一品夫人公甫襁褓詹事公以優貢試

京兆大父光祿公授公章句聰穎絕倫喜曰是子必成大器九歲省詹事公京師卽授以儒先性理之書而公少負才氣不甚措思也爲文操筆立就旁通曲暢自達其志道光乙未以附生舉本省鄉試明年成進士改庶吉士戊戌散館授編修明年充國史館協修庚子分校會試其年秋副文文端公慶典江南鄉試因事例降一級調用明年奉詹事公諱歸里服闋援例爲內閣中書旋捐知府分發貴州署安順府事

道光之季寇亂漸萌嶺嶠以南駱越滇黔諸山中奸
宄亡命狐嘯梟嘯四出劫掠勾結營兵胥役爲黨羽
無敢捕治安順宋之普里部也當雲南驛路向有冒
頂大五小五諸匪聚衆爲姦暴公廉得其狀延訪士
紳寄以耳目簡捕役之愿者行輒以自隨偵知賊黨
以歲盡釀飲某所除夕方會燕署中忽起更衣疾率
健捕馳至其地掩獲知名渠魁黃老廣余饒貴等其
黨無一脫者在安順年餘先後擒巨盜三百餘名一
郡肅然安順依山爲城舊有小溪貫城中歲久湮塞
汲者負甕出郭十餘里始得水公疏濬溪道鑿泉築

滿以時蓄泄人得甘飲在郡日坐堂皇訟牒至立與
剖斷清積案至三百餘牘人自以爲不冤倡修義學
十數區搜輯節孝八百餘人彙報請旌建總坊通衢
稟裁書吏規費安順二百年有司詳報節孝自公始
調署鎮遠府府境跨有漚沅所屬皆苗猺其台拱清
江黃平皆盜藪勢尤橫公治之如安順盜幾盡歲饑
開倉平糶清社倉之被侵蝕者民賴以生奉檄帶兵
勦黃平革夷山丙沙邦等處苗匪獲盜首保鷺等三
百餘名悉平其寨以勦匪功奉

旨酉貴州以知府不論繁簡遇缺卽補並

戴花翎會湖南新甯奸民李沉發爲亂戕官據城公奉委
赴黎平防堵事竣奉

旨補缺後以道員用

文宗顯皇帝卽位

詔大臣舉司道以下可大任者雲貴總督吳文節公文鎔貴
州巡撫喬公用遷皆以公名應旋署思南府事咸豐
元年補黎平府府境毗連湖南粵西山深箐密盜出
沒剽奪捕之輒越境竄匿公至日延紳民及椎結左
袒諸渠率賜以酒食詳詢民情地勢令相連爲堡擇
立鄉正團長牌長互相稽覈捕治諸不法者是時廣

西賊大起永甯懷遠融縣環黎平西南界皆賊公墓
壯勇擇隘防堵乃請季貞今貴州巡撫韓公超操練
勇丁張公禮度舉保甲冊籍以辨團練修建碉堡連
屯相望上言督撫請環邊要隘築堡守禦以爲言戰
不如言守用兵不如用民力以自衛不如先用
地利以衛民郡城故無儲積勸諭富民捐穀置倉以
備城守自後黎平疊爲苗粵諸匪攻撲而城卒不可
拔皆公練勇儲粟力也三年秋甕安榔匪滋事以抗
糧爲名公以計解散脅從而誅其首犯劉瞎麼餘匪
悉定先是粵逆出永安犯桂林道榔桂茶攸犯長沙

東下湖南巡撫張公亮基調公辦理軍務黔撫以公
現辦黔匪事關全省大局奏留之至是吳文節公由
雲貴總督調任湖廣仍調公帶勇來楚辦理軍務四
年春奉

旨授貴東道公以黔勇千人行次通城而吳公已戰沒黃
州賊遂陷漢陽以舟師上犯陷岳州湘陰甯鄉徑趨
湘潭湖南巡撫駱公秉章調公回援省城會塔忠武
公齊布今提督楊公載福侍郎彭公玉麟已破賊湘
潭而安化土匪黃國旭等乘機抗糧爲亂傲公往捕
公計擒之民皆安堵如故而賊之敗於湘潭者悉所

掠舟趨常德公以所部赴剿尋授四川臬司仍留湖南軍營辦理防剿事務是年今協揆曾公國藩大治水陸之師東征公從下岳州巡撫駱公奏請免隨東不仍駐岳州搜剿崇陽通城等處餘匪奉

旨調任

湖北臬司秋會公復武漢破田家鎮進圍九江調公會討公因自咸甯蒲圻大冶興國東出瑞昌與羅忠節公澤南剿賊湖口之梅家洲五年春湖廣總督楊公霈之師潰於黃梅賊悉眾上竄公請於曾公以所部千餘人回援武昌別以副將王國才一軍隸之未至漢陽已失公先以軍營沌口徽國才軍由南岸徑

趨武昌會授湖北藩司甫半日城陷國才至偵得城
賊暗號卽夜遣驍將詐爲賊裝賺入城殺賊自數十
城幾復天曙賊聚益眾公倉卒不能濟師乃令國才
退營金口與今侍郎彭公水師相倚扼賊使不得上
犯旋奉

旨署理

湖北巡撫時武漢黃州德安皆爲賊踞公和塗炭無
所措手公意不攻漢陽則荆襄梗塞不攻武昌則咸
蒲崇遙愈形滋蔓添募兵勇兼顧南北兩岸大小百
餘戰亦屢瀕於危六月攻漢口復之單騎率親兵奪
大別山城卡未克會賊別股由漢川至焚漢口公軍

已一月不得食至多山餓潰不數日整軍復戰其時水陸萬人多新募不習戰事賊至常數萬諸將見者奪氣公從容談笑沈密堅定雖挫而其氣彌厲振拔人才以忠義相感發所收裨將亦漸多勇敢能軍者州縣殘破餉源絕文移指撥多不時應爲書告鄰省求助沈摯悱惻人感其誠稍資濟之是年秋羅忠節公破賊江西之義甯州以武昌居天下衝長江險要所必爭上言曾公請赴援曾公以塔公舊部彭三元普承堯等軍佐之連克通城崇陽蒲圻咸甯公親會羅公軍於蒲圻並力擊賊平其壘因偕回金口與今

提督楊公議水陸進攻之策於是公率所部及普公承堯今方伯唐公訓方諸營由中路出省城之南駐營隄上羅公由東路駐營洪山南岡留九筵營兵駐金口護水師以富西路自是武昌以南無賊蹤而督帥官公以吉林精騎合眾軍營北岸餉道日通軍勢亦日振六年三月羅公以攻城傷卒時與賊相持急日夜搏戰不少休而軍中新矢大帥公撫循濫卹與故浙江布政使李忠武公續賓整飭其軍而簡練之氣益壯先是悍賊石達開由崇陽入江西連陷瑞州臨江又南出吉安東趨撫州建昌江西郡縣無一完

者屢告急請援羅公一意規復武漢不暇應至是公
念江西方急而武昌猝不可復乃遣劉騰鴻普承堯
出瑞州應援而令曾公弟謐忠愍曰國華者統其軍
軍糧並資給焉五月九江賊古隆賢領萬眾由葛店
油坊嶺八角嶺後路援武昌約城賊舉火爲識夾攻
我營公諜知之陽爲賊火城賊果出撲伏發奮擊殲
除殆盡乘援賊初至遣兵連夜薄之賊敗走七月石
達開又自金陵上檄號稱十萬公分派水陸力戰制
軍官公亦自江北遣都統舒保公領馬隊來助大破
之追逐百餘里會襄陽土匪起連陷樊城穀城光化

竹山與山遂與川匪合陷宜昌公遣都統舒保公今
方伯唐公合數營往平之有議撫者公卒不以爲然
而事亦遂定時武昌賊窘公先與李忠武公於塘角
窑灣洪山青山等處掘長濠濠墻修長城自羊橋直
達江邊築壘安礮臺圍守魯家巷花園五里墩石嘴
亦如之城賊不得出援賊不得入我軍安坐以待賊
糧之盡以十一月克復省城奉

加頭品頂戴實授巡撫遂分兵收復武黃各縣屬餘賊
遁入九江北岸之小池口公計江楚唇齒相倚而九
江扼長江之衝實江楚門戶九江一日不復江楚一

日不得安枕乃令李忠武公以全部精銳圍之分兵屯駐黃梅廣濟蘄州間以遏江北之城而公自駐武昌調度當是時官私廬舍焚燬幾盡諸事草創民物凋殘公一意振興裁通省浮勇以節糜費設武漢軍兵以固根本嚴查保甲以除奸匪慎選賢員以資蘇息設清查局查破賊後州縣倉庫錢糧交代設節義局表章歷年殉難官紳士女設軍需局籌備東征軍士器械餉糈提綱維巨細畢舉尤以亂民之生山法度廢弛吏蔽民媮因循苟且以有今日不務討賊則亂之流不塞不務察吏則亂之源不清劾參鎮道

府廳以下數十員與屬吏吏始禁應酬嚴奔競崇樸
實黜浮華於是在官者稍稍推廉尚能知吏事矣今
大學士官公總督兩湖司軍事公推誠委心諮商籌
度官公亦深相倚重無疑思得盡所爲今將軍都興
阿公多隆阿公都統舒保公皆領馬隊兵隸官公號
驍勇善戰公見卽傾身與之接交無不樂爲用者其
壽餉有三日錢糧曰鹽課曰貨稅湖北漕政久敝官
民交困道光中葉以還徵收常不滿半公三次奏減
章程民以是輸將足額湖廣兩省自淮鹽阻絕率食
川鹽公分置課鹽局於宜昌沙市又推行武穴老河

口等處視向來額課過之用故侍郎雷公以誠奏行
釐稅之議設局各府縣布鎮仿劉晏用土人之法嚴
杜中飽收支覈實自是湖北兵與餉強天下七年悍
賊陳玉成自皖北上犯蘄州諸營敗潰賊徑趨蘄水
武昌大震公急渡江赴黃州收潰卒得數千人而賊
眾至十餘萬環踞巴河以東百餘壁亘數十里時巴
水大漲惟三台河有石橋可通公念賊渡河則勢蔓
延急派千人斷橋扼河以守而潛師出迴龍山遏其
上竄調今安徽巡撫李公績宜以南勇由瑞州馳至
督諸軍台擊於孫家塢馬家河月山等處賊大敗狂